

厚德堂集驗方萃編

厚德堂集驗方萃編

長白馬佳奇克唐阿慎修手輯

男馬佳松椿濟莊叅校

卷二

二便方類

補益方類

附靜功呼吸妙訣

痿痺方類

咳嗽方類

風癰方類

中風方類

腫脹方類

見血方類

黃疸方類

痞疾方類

傷寒証治

瘟疫証治

感冒証治

大小便總論

大便不通曰秘結小水不利曰癰閉此等病情似非危急難治之症然有連日不通或旬日不通則奔迫難堪以至於危殆者非病之難治而治之未究其原也蓋大便秘結當先辨其虛實實結者邪有餘屬胃府治宜攻瀉虛結者正不足屬腎家治宜滋補且虛實之間又有寒熱陰陽之辨如第曰虛者宜補實者宜瀉亦非探原之論若腎家氣虛者宜補而潤之寒凝者宜溫而潤之腎家陰虛者宜滋而潤之秘結要法無出乎此若小水癰閉亦當辨其虛實有因火邪結聚膀胱者此水泉乾涸氣門熱閉不通也有因熱居肝腎者此敗精槁血阻塞水道不通也如此症候尚屬有餘或

利或清猶易為力惟是氣虛之閉最不易療必須峻補陽氣氣達水行其便自利切不可誤為實症恣意疏通以致竭者愈竭鮮不危矣若夫便血便濁遺精五淋亦自有辨或寒或熱或實或虛尤宜審察周詳庶可應手取效神而明之毋泥法焉

治大便秘結方 皂莢研末煉蜜為丸如棗大置肛門內少頃即

愈

又方 練樹子六枚水煎服之即愈

又方 皮硝一撮水化香油一盞皂角末少許用竹管一頭套入穀道中一頭以豬尿胞將藥三味入管內用手著力一捻藥

自入穀道即通

治大小便不通方 犀角玳瑁各等分磨水服之即愈

又方 車前子木通各三錢水煎溫服極效

又方 鮮車前草搗汁一酒杯入蜜少許服之即愈

又方 烏柏根煎湯服其效如神兼治水腫但不可多服

又方 柏葉搗爛貼臍上即通

又方 葱白三升搗爛用帕包熨小臍上氣透即通

又方 蒜頭搗爛熨臍下亦效

又方 元明粉三錢生蜜一大杯滾水一碗兌勻調服即通此方

治一切秘結甚效且不損脾胃

又方 用銅炒鹽至赤研末入竹筒中納糞門內即通

又方 生葱一觔連鬚帶土生薑一塊淡豆豉二十粒鹽一匙同研爛和作餅烘熟掩臍上用帛裹緊稍冷再換數次後氣透自通

又方 草烏研末以葱蘸末納穀道中即通此方名提盒散無論尋常秘結傷寒燥結皆效

治小便不通方 葱白三觔剉炒分作兩箇更互熨小腹氣透即

通

又方 苧麻根搗爛貼小腹即通其汁頻服亦極效

又方 雞肫內皮一付男用雌女用雄火煨存性酒調送下此方

兼治夢遺五淋小兒噤口痢等症

治小便閉結肛腹脹悶方

生明礬研末置臍內再以指角挑清

水滴礬上良久即通

治小便不通腹脹危殆方

真琥珀四錢研末用濃葱湯調之作

二次服漸漸自解

又方

獅子油酒調服二三分尤效兼治大便秘結

治小便澀疼方

牛膝水煎成膏酒沖服即愈

治小便不利膀胱水滯方

浮萍草研末用白滾湯調服二錢自

利

治小便頻數方

赤小豆葉一觔入豆汁內煮熟和勻作羹食之

即愈

治小便閉結小腹疼痛方 木通滑石各一兩黑牽牛頭五錢共研細末每用一錢以燈心葱白湯沖服即愈

治小便癰閉方 木通二錢生地二錢甘草八分 水煎溫服自

通

又方 芒硝一錢研末以龍眼肉包好細嚼嚥下立愈

又方 葶藶搗汁半杯好酒兌勻空心服極效

又方 麥麴和作圈圈置臍外用鯽魚一尾連鱗腸搗爛入麝香三分生蜜四兩和勻填滿圈内上以碗蓋之熟睡醒後即通

又方 冬葵子赤茯苓各二錢水煎飯後服之即通

治大小便血方 乾柿燒灰米湯沖服二錢或為丸服之皆效此

方治腸癖一切下血之症大抵大便下血如水瀉者乃大腸風熱也糞後下血者乃五臟積毒也蓋因飲食熱物夜飲不節之故小便下血者或奔走道路感受暑氣或思慮太過積熱心經移於小腸或房勞不節腎熱移於小腸凡此等症切不可誤用寒涼恐致不救按祿為脾胃血分之藥有健脾滯腸之功以此止血無不效驗如神

治大便下血方 當歸 生地 熟地 各五錢 小薊 一兩 水酒

各半盞煎服愈後再服十全大補湯數劑以補氣血庶可除根

又方 豬大腸一尺五寸將浮小麥裝滿紮緊煮爛空心服之數

次即愈

又方 豆腐末入袋濾出漿者帶渣用鍋炒黃研末如下紫血塊者清晨用白糖水調服三錢如下紅血塊者砂糖水調服雖年久便血色黃面瘦者服之無不神效異常

又方 木耳一兩炒黑生木耳一兩芝麻五錢水煎如茶頻飲其效甚捷

又方 烏梅數粒炭火煨存性研末用生烏梅煎湯沖服二錢立止如久患此症者加焦梔三錢研末同服尤效

又方 槐花四兩炒黑研末用生羊血和勻作餅每箇重三錢曬乾遇有便血吐血痢血者滾水磨服一枚其效甚速

又方 真青州柿餅一枚內置白蠟一錢蒸熟服數枚即愈

又方 柿餅一觔連蒂帶核用砂鍋煮熟只取其湯必須一日服盡服數觔自愈

治糞後下血方 經霜冬青子蜜浸晒乾空心滾水吞服數十粒

自愈

治腸風下血方 桑樹下蟲蝨燒存性研末酒沖服一錢自愈

又方 柿餅燒存性研末酒沖服三錢或米湯沖服亦可

又方 生地 丹皮 赤芍 升麻 各二錢 水煎服甚效

又方 船底青苔煮水隨時飲之此藥得水氣之精能分利陰陽去臟腑之邪熱其效甚捷

又方 木通五錢甘草二錢水煎服自愈

治熱毒下血方 生葛汁一升藕汁少許和勻服之即愈

治酒毒下血方

扁柏葉

二兩九蒸九晒

槐花

一兩炒黑

共研細末煉蜜

為丸每服二錢酒送去槐花可以常服

治小便下血方

新地骨皮洗淨搗汁無汁以水煎湯每服一盞

兑酒少許飯前溫服即止

又方 車前草搗汁空心水沖服自愈

又方 淡竹葉地骨皮蜜調各等分水煎溫服即止

又方 車前草四兩搗爛加鹽少許用生白酒空心沖服尤效

又方 雪裏青草搗爛生白酒沖服亦極效

治遺精方

白朮

六兩

苦參

三兩

牡蠣

三兩

共研末用豬肚一

箇煮熟搗爛和藥為丸如桐子大每服四十九日三服即愈

又方

益智仁

一兩

白朮

二兩炒

龍骨

二兩煨

青鹽

五錢

芡實

三兩

香

椿皮

四兩

蓮鬚

三兩

枸杞

三兩

牡蠣

二兩煨

共研末用嫩黃

芪金櫻子各一觔去刺煎膏為丸每日空心服二三錢淡鹽

湯送下

又方

蓮子心

二錢

硃砂

一分

為末

空心水沖服即愈

又方

鹿角水磨服

酒磨服

可以治夢遺

治遺精白濁方

牡蠣

半觔燒乾研末

紅

韭菜

一觔

搗汁

同藥末

拌勻

每

服三錢空心燈草湯調服

又方 秋石 蓮肉 芡實 雲苓 各二兩 共研末棗泥為丸

如梧子大每服三十丸鹽湯送下

治遺夢方 川練子 三錢 龍骨 一錢 牡蠣 二錢 共為末用炙瘡

膏藥糝末貼臍下一寸三分自愈

治五色淋症方 韭菜搗汁和生白酒空心連渣服之或煎湯洗

陰莖尤妙

治內淋方 銀杏一歲一粒每粒咬開入明礬二三釐用無灰酒

煮熟連酒服之二三服即愈

治石淋痛甚方 白扁豆根數寸煎湯服之立愈

治沙淋石淋方 雞膽共雞屎一兩炒和勻酒調服一錢即愈

治小便淋方 雞肫皮燒乾研末白水沖服三錢或加甘草陳皮
乾薑同服尤效

治熱淋有血方 北沙參 廣皮 蒺藜 家艾 生地 桑白

皮炒黃蓮房殼 蒲黃炒阿膠 地榆 黃柏鹽炒扁柏葉

右藥各等分加薑一片水煎飯後服甚效

又方 地黃汁一升薑汁一合頻服忌食麵糟煎炒海菜等物

又方 龍骨四錢研末飯後酒沖服即愈

又方 白茅根煎湯連服數次即愈

又方 亂髮不拘多少燒灰入麝香少許米醋湯調服

治沙淋血淋兼痛方 天門冬搗汁半盞服之即止

治淋症通方 荊芥 防風 赤芍 甘草 各等分薑三片燈

心一撮水煎早晚溫服

又方 瞿麥 木通 車前 扁蓄 大黃各四分焦梔 牛膝

燈草各二錢滑石八分 水一碗煎八分溫服

治淋單方 雞子一箇打一孔入大黃末少許用火煨熟黃酒引

服

又方 冬瓜每日食三大碗數日即愈

治急淋神效方 金櫻子一錢嬰黃五分鬱金五分澤瀉八分猪

苓五分車前子五分黃苓五分甘草三分 燈心七條水煎

八分溫服